



Parma Lund Kreutzmann
Inuit Ataqtigitiit

§ 37 naapertorlugu apeqqutip nr. 178/2025-p akineqarnera

Asasara Parma Lund Kreutzmann,

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akissassanngorlugit innersuussutigineqartut qujassutigaaqka. Apeqqutit issuarneqartarput tamatumalu kingorna akineqarlutik.

Ulloq: 13-10-2025
Sullap normua:
Suliap nr.: 25840668

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

- 1. Naalakkersuisut peqqinnissamut qullersaqarfik isumaqatigivaat, Nunatsinni illoqarfiit isorliunerusut inukinnerumaallu, nal. 08.00 - 16.00 iluanni taamaallaat nakorsaqarlutik ammasarnissaat aamma uninngavittut matoqqanissaat aammalu nakorsamit Nuummi issiasumit nakorsiartinneqartarnissaat, annikitsumik allannguutaasutut taaneqaanarsinnaasoq?**

Nunatsinni Peqqinnissaqarfimmit ulloq 23. septembari 2025-meersoq pillugu innuttaasut tamarmik - illoqarfiit isorliunerusut illoqarfiillu minnerit - ulloq unnuarlu peqqinnissaqarfimmut saaffiginnissinnaajuaannarnissaat ersarissumik pineqartoq Naalakkersuisunit innersuussutigineqarpoq. Ammasarfiit avataanni sullisineq oqarasuaatikkut ingerlanneqartassaaq, pisariaqartinneqarpallu innuttaasoq takkulluni nakorsiassanersoq imaluunniit unitsinneqassanersoq peqqinnissaqarfimmi sulisut nalilissavaat. Peqqissaaviit minnerusut nunaqarfinnilu napparsimasup nuunneqarsinnaanngornissaata tungaanut patajaallisarneqarnissaa anguniarlugu nalinginnaasumik ataatsimik pinasuartumik uninngaveqarput.

Innuttaasut innuttaasullu pisariaqartitaasa piffissap ingerlanerani allanngorarsinnaanerit Naalakkersuisut ilisimaaraat. Taamaammat innuttaasut toqqissisimaneruniassammata ilisimatinneqarluartarniassammatalu taakku peqataatinnerisigut peqqinnissaqarfiup neqeroorutai ingerlaavartumik naleqqussarneqartassapput, tamatumalu peqatigisaanik isumalluutit pissarsiarineqarsinnaasut eqqarsaatigineqassapput.

Peqqissutsimut tunngatillugu isumaqatigiissutip annertusineqarnissaanut atatillugu siunissami Peqqissutsimut tunngatillugu sunik neqerooruteqartoqarnissaanut tunngatillugu pingaarnersiuinissaq maannakkut partiit politikikkut oqallisigaat. 2023-mi Peqqissutsimut tunngatillugu isumaqatigiissut partiinit amerlanerussuteqartut isumaqatigiissutigineqartoq aamma sullissinermik quppersagaq tunngavigalugit naleqqussaanerit maannakkut atuupput. Sullissinerup ajorseriansimaneranut tunngatillugu politikikkut aalajangersaasoqarsimaneranerani Naalakkersuisut isumaqataannigillat, taamaammat siusinnerusukku naqqiutunut tusagassiorfinnullu nalunaarutitut nassiunneqarsimasunut innersuusseqqipput, taakkunani qarasaasiakku

nakorsartitsisameq aqputigalugu immikkut ilisimasalinnik oqaloqateqarsinnaanissamut periarfissatigut pitsanngorsaasoqarnera nassuiameqarpoq.

- 2. Inuup piartortup paarisariallip qanoq paarineqarnissaa, anniaateqartinnaveersaarnissaa naammaginartumillu inuunerup naggataani atugassaqartinneqarnissaata isumagineqarnissaa qanoq pissava? Qeqertarsuarmiuusimaguni, taava inuunermi naggataa Aasiaat peqqissaaveqarfianiittariaqassava? Ilaquttat toqqissisimaffigisat avatangiisillu ungagisat qimallugit?**

Napparsimasoq piartorpat inuunermilu naggataani katsorsartinnissaminut paaqqutarineqarnissaminullu pisariaqartitsippat, napparsimasup sapinngisamik anniannginnissaa, toqqissisimasumillu, nalilittut iluarisimaarnartumillu inissisimanissaa peqqinnissaqarfiup qulakkiissavaa. Napparsimasup piartornerani napparsimasup ilaqutaasullu piffissami kingullermi ataatsimoonissaat eqqarsaatigalugu napparsimasup qanigisaminik ilagisaqarnissaa peqqinnissaqarfimmit sapinngisamik anguniameqarpoq. Tassa imaappoq napparsimasoq peqqissutsikkut ulorianartorsiorunnaarsimappat sapinngisamik illoqarfimmi najukkaminiiginnarnissaa, ass. Qeqertarsuarmi, tamakkiisumik tapersersorniarneqassaaq. Najukkami peqqinnissaqarfimmi sulisut najuuttut – ass. peqqissaasut peqqissaanermilu ikiortit – nunap immikkoortuani napparsimmaveqarfimmi (ass. Aasiaat) nakorsat suleqatigalugit anniaatigineqartunik annikillisaaneq paarsisarnerlu tapersersussavaat. Anniaatinik annikillisaaneq, tarnikkut ajornartorsiornermi tapersersuinerit aamma qanimut ilaqutariit oqaloqatigineri pineqarsinnaapput. Aatsaat napparsimasoq immikkut paarineqarnissaaq atortulluunniit najukkami pissarsiarineqarsinnaanngippata napparsimasup peqqissaavimmut annerusumut imaluunniit qitiusumik napparsimmavimmut nuunneqarnissaa pisariaqarsinnaavoq. Taama pisoqartillugu napparsimasup ilaqutaasaalu kissaataat malinneqassapput, ajornanngippallu napparsimasup qanigisaminit ingiaqatigineqarsinnaanera sulissutigineqassaaq. Suleqatigiinnik piartortunik isumaginnittussanik pilersitsinissaaq pillugu Inatsisartut aalajangiinerat tunngavigalugu innuttaasut napparsimasullu inuunerisa naggataanni toqqissisimasumik inuuneqarnissaannut tunngatillugu ineriartortitsinissaaq pitsanngorsaanissarlugu pillugit Naalakkersuisut tunngaviliisimapput. Taamaammat innuttaasup kissaataa pisariaqartitaalu malillugit napparsimasumik piartortumik paaqqutarinnittoqarnissaa Naalakkersuisut pingaartippaat, aamma napparsimasup nammineq aalajangersinnaanerata inatsisitigullu illersugaanerata pitsanngorsarnissaaq politikikkut sulineri sulit pingaarnersiorneqassapput. Napparsimasut sulisullu paaqqutarinnittut aamma sulisut allat akornanni ataqatigiinnerup kingunerisaanik toqqissisimalertoqartartoq Naalakkersuisut isumaqarput taamaammat nuna tamakkerlugu piartortunik isumaginninnermut suliaasaqarfimmut aningaasaliisoqarsimavoq, tassani nuna tamakkerlugu sulisut attuumassuteqartut piginnaanngorsarnissamut neqeroorfigineqarsimallutik.

Inussiarnersumik inuulluaqqusillunga

Anna Wangenheim

Peqqissutsimut inunnullu Innarlutilinnut Naalakkersuisoq